

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Illvstrivm Virorum Epistolae, Hebraicae, Graecae et Latinae, Ad Ioannem Reuchlin Phorcensem virum nostra aetate doctissimum diuersis temporibus missae

Reuchlin, Johannes

Hagenoae, 1519

Hieronymus de Eudorff doctor & miles, Ioanni Reuchlin Phorcensi S. D. P.

[urn:nbn:de:bsz:31-270838](https://nbn-resolving.org/urn:nbn:de:bsz:31-270838)

IO. REUCHLIN. LIBER PRIMVS

filebit, celabit, tacebit, & Verbum Mirificum perq̄ diuiniter colet.
Vale foeliciter. Ex monasterio Ror ordinis. S. Augustini canonico/
rum regularium. Anno domini. M.D.I. in die. S. Viti.

Hieronymus de Eudorff doctor & miles, Ioanni
Reuchlin Phorcensi. S.D.P.

VTres Magi stellarum quondam obseruatores, saluato
ri nostro preciosum obtulerunt thesaurum aurum thus
& myrrham. Sic tibi illius apud nos mortales œcono/
mo fideli, primum eorum & optimum quod mihi est
his impositum mitto. Et recte inquam nescio, quomodo cum au/
rum quidem sit pro temperamento Iouis, maxime omnium
temperatum, quod non solum ut arbitror uitæ, sed & religioni ue/
ritatiq; ipsi quodammodo conuenit. Insuper aureus hic nummus, leo
nis habet imaginem crucis signum ferentis, quo lustrator mundi
communisq; dux cœlestium Phœbus sedem tenet, tâquam tibi ue/
xillum hoc committens atq; collocans in manus tuas, quod nobis
semitam ad deum aperuisti, & plane instruis. Præterea altera ex par
te nummus iste diui Petronii senis illius simulacrum habet, quod
Saturno altissimo planetarum religionis arcanorumq; custodi ido
neum & per consequens tuæ hebraicæ institutioni ad gratiarum
actionem forte haud incongruens munusculum fiet. Non q̄ agam
sicut debeo, sed ut possum, neq; ut possum, sed ut deus spiritus & mēs
est, tuq; eius ut œconomus, sciamus nil aliud amare nisi mundam
mentem, bonaq; pro amplissimis suis donis potius uoluptate quã
holocaustis esse contentū. Nam pro tuis rudimentis hebraicis quæ
nuper impressa repi ac comparauī, immortales refero gratias, sem
perq; habebo. Ac quamuis corporibus satis longe distemus, tu qui
dem in Sueuia, ego uero in media ferme Bauaria habitantes, tamē
animus me⁹ penes te esse dudum cœpit, & in tuis sacris laribus con
quiescere. Utinam & tuus in mea humili casa aliquando uicissitu/
dinem ageret, cum tibi forsitan notus nec sim (alter enim alterum
ante nunc decennium duntaxat uidit) nec dignus sancto tuo con/
sortio. Quoniam igitur quum superiore anno ex curia Caesaris do
mum me contulerim (licet adhuc consiliarius suæ maiestatis & ca
meræ sollicitator sim immeritus) colendo agellum ut tempesti
uius sarcinas colligam antequam proficiscar, è uita, tum inter ociū

EPIS. ILLVST. VIRORVM AD

literarium ueritatis ardore gratissimis amplector uulnis institutio-
nes tuas, illisq; conor operam dare. Sed dulcissime mi pater cum ca-
ream docentis uiuæ uocis oraculo, obsecro ut unum mihi mittas,
quem forte instituisti pro cura huiusce rei. Nam illi ei cum uictu da-
bo per annum uestimenta & de salario quicquid dictaueris, ut ta-
men ualeat in equo mecum ambulare, quoniam quidem sapiciale
existo foris, etiam plus dimidio temporis amicorum temporibus
transmisso. Et quicquid in meipsum atq; unius filiolj mei institu-
tionem fuerit, haud denegare digneris quaeso. Iam nil amplius ne
epistolæ modum excedam, quæ nõ debet sinistram manum legeri
tis implere. Vale foeliciter. Ex ædibus nostris Mosen pridie Kalen-
das Februarias Anno. M. D. IX.

Ioannes Stoffler Iustingensis, Joanni
Reuchlin LL. doctori. S. D. P.

Figuras coelestes ortus & conceptionis tuæ. Item anni presentis
& futuri reuolutiones ad te mitto uir spectatissime. Eas quam
iter ad episcopum hodiernum Vuormaciensem habui obtu-
lissim, sed te domi minime offendi. In regressu a Ladenburgo per
aliam uiam reuersus sum ad ædes meas. Habes ut spero coelestes fi-
guras perfectas a me, summa diligentia examinatas, ex quibus faci-
le de pluribus tibi accidentibus iudicabis. Vale iterumq; vale. Ex Iu-
stingen. viii. Idus Maias. Anno. M. D. IIII.

Ioannes Stoffler Iustingensis, Joanni
Reuchlin Phorcensi. S. D. P.

Ex literis tuis accepi instrumentum uerorum motuum solis &
lunæ ac passionum eorûdem a. D. præposito in Denkendorph
tibi donatum. Gaudeo uehementer, utinam eandem seruaret
integritatem & splendorem quam habuit dum ex officina mea ad
eundem abiit. Pro eius regimine nulli mihi sunt canones. Semel
enim rite uerificatum sola motatione aut prouolutione singula iu-
ste patent. Constituera apud me pro his & aliis absoluendis ad te
aditurum, quod in hodiernum usq; diem distuli. Vexor quotidia-
no morbo sinistri cruris, nescio spasmatice an alio, adeo uehemen-
ter ut equo insidere penitus abhorream. Spero tamen redituum
tempus uernum uires mihi & sanitatem restitutum. Characteres
planctarum libet exsculpam, sed quo pacto reti tenui sine læsione